

34. Kaj



VRABE  
NA

OBLAKU



Lent  
the

# Vrabec na oblaku

34. SMOTRA  
DJEČJEGA KAJKAVSKOG  
PJESNIŠTVA  
**“DRAGUTIN DOMJANIĆ”**  
- SV. IVAN ZELINA 2014.

*Priredio*  
Dr. sc. Ivo Kalinski

Sveti Ivan Zelina,  
listopad 2014.

**Mala biblioteka**  
**»Dragutin Domjanić«**  
knjiga 74.

*Nakladnik*

Pučko otvoreno učilište Sv. Ivan Zelina

*Za nakladnika*

Ivica Kukovačec

*Urednik*

Dr. sc. Ivo Kalinski

*Naslov zbirke*

prema naslovu pjesama Lovre Zenka i Dominika Gregorine

*Likovni sadržaj*

učenici osnovnih škola sudionica Smotre

*Likovni urednik*

Nikola Kavić

*Grafičko-tehnička priprema*

POU Sv. Ivan Zelina

Tiskano u 500 primjeraka

Tisak: Tiskara »Zelina« d.d.

CIP zapis dostupan u računalnom katalogu Nacionalne i  
sveučilišne knjižnice u Zagrebu pod brojem 888819.

ISBN: 978-953-6540-61-7



34. Smotra  
dječjega kajkavskog pjesništva  
»**Dragutin Domjanić**«  
- Sv. Ivan Zelina 2014.

Na poziv Pučkog otvorenog učilišta Sv. Ivan Zelina za sudjelovanje na 34. Smotri dječjega kajkavskog pjesništva »Dragutin Domjanić« – Sv. Ivan Zelina 2014. odazvale su se 62 osnovne škole s ukupno 358 učeničkih radova. Ocjenjivačko povjerenstvo u sastavu dr. sc. Ivo Kalinski (predsjednik), prof. dr. sc. Joža Skok i dr. sc. Božica Pažur za objavu u ovoj zbirci odabralo je 66 radova od kojih su 34 predložena za javnu izvedbu na završnom događanju Smotre 25. listopada 2014. u Sv. Ivanu Zelini.

# Kazalo

## **Riječi urednika**

Ivo Kalinski:

Strasno čuvanje kajkavske pjesničke riječi  
u naših najmlađih

IX

## **Vrabec na oblaku\***

*Pun mi je kufer sega*

Ema Arih: Kumaj čakan	13
Maks Banay: Moja hiža	14
Laura Baronić: Mama	15
Vanja Bertović: Šršljen	16
Elena Biškup: Mestu v muojemu srcu	17
Matea Brgles: Dežd v Zeline	19
Gloria Crnković: Da son ja učiteljca	20
Dora Culej: Zima	21
Paula Đurkin: Moj konjek	22
Lucija Godek: Dešč	23
Danijel Golub: Nostalgična	24
Robert Gorupec: Cvetek v babičinem vrtu	26
Leonarda Grabar: Sarce	27
Agata Gredičak: Vučenje	28
Dominik Gregorina: Oblaki	29

Inga Grgić: Proščeje	30
Matea Havaić: Pun kufer mi je sega	31
Tea Horvatić: Domača reč vu mome sercu	32
Klara Ivanek: Da sem mali mraf	33
Damjan Ivanjko: Videl sem leptireka	34
Patricia Jakovac: Koj je jobuka?	35
Katarina Jelinek: Naj otiti	36

### *Same muoj sviet*

Sara Juriša: Lastavice boju odletele	39
Lorena Kapitan: Lete	40
Marija Magdalena Karlović: Jest s'n s'mo dejkca	41
Karla Knez: Protuletje	42
Nikola Kolman: Vrba	43
Antonija Kovač: Naša šuma	44
Martina Kovačić: Dežd vu mojemu selu	45
Gabrijel Kuček: Selska jesen	46
Marta Kučko: Pilipar	47
Marta Kunjko: Imbrela	48
Nikolina Lendl: Lubav	49
Emili Lipovac: Moj ježžek	50
Mateja Lisak: Teške	51
Mateja Lisak: Same muoj sviet	52
Patricia Lukić: Čirišja	53
Petra Međimurec: Babičin ormar	54
Vanesa Mlinarić: Moj dvor	56
Kaja Novak: Zemla	57
Tina Odobašić: Hižica	58
David Paska: Kom to idu farbe	60
Luka Pavlic: Pospanec	61
Karlo Peh: Moj dedek i ja ili kak mi je liepe z dedekom	62

## *Vrabec*

Valentina Peštaj: Viklin	65
Erik Pintarić: Imena	66
David Podhraški: Zima	67
Katja Premuš: Moja mačka Karolina	68
Jelena Ramić: Mura, Mura	69
Dajana Ranilović: Moj kraj	70
Ida Rupčić: Moja domovina	71
Natalija Sedlar: Črlena roža	72
Katja Sedmak: Božekova ofčica	73
Mirela Šargač: Sreća	74
Mia Šokman: Strašilu	75
Dea Turk: Tiček	76
Melita Turščak: Domači kruh	77
Anja Verveger: H popifki tičić	78
Martina Vidoš: Kečka	79
Martin Vine: Tak lepi je doan	80
Nika Vrbanić: Lostavica	81
Meri Zbašnik: Ke sen bua majhna	82
Lovro Zenko: Vrabec	83
Lovro Zenko: Adamovečki tiči	84
Josip Zrinski: Babičina spoved	85
Maria Žokalj: Naša stora mama	86
<b>Kazalo autora likovnih priloga u zbirci</b>	<b>89</b>
<b>Osnovne škole koje su se odazvale na natječaj</b>	<b>90</b>
<b>Izložba likovnih radova 34. Smotre</b>	<b>93</b>

\*Autori/autorice pjesama poredani/poredane su abecednim slijedom.



### **Strasno čuvanje kajkavske pjesničke riječi u naših najmlađih**

U današnjem, novovjeku tehnicističkom dobu gotovo da je, moglo bi se primijetiti, šokantno da osnovnoškolac, mlado biće koje bi da osvaja svijet - primjećuje, razmišlja i opisuje nešto od onih zoomorfa kojih još tu i tamo ima, koji još uvijek unatoč zatrovanosti svojeg podneblja nastoje živjeti.

I nikakvo čudo da će to mlado, neiskvareno biće doživjeti običnog *leptireka* kao sliku Božju, kao nešto izvan ovog brutalnog svijeta: *Videl sem leptireka/ i došel sem k njemu/ da vidim sliku Božju* (Damjan Ivanjko). Sličnu dragost sjećanja na odrastanje pruža nam ista tema, ovaj put ne oko *leptireka* nego prepletana oko *metulčeka*: *Majhna ke sen bua jest/ metulčka sen tua vjest/ da se zes nin jegrana mau/ da na pamet me teskret nej pau/ da je njemo lejpe vena bet/ ko v maje staklenke sok pet* (Meri Zbašnik). Tražiti u ovom bešćutnom svijetu prijatelja - ma bio to i zoomorf (*leptir/metulček!*?), tražiti ljubav izvan svijeta ljudske opstojnosti - gotovo da bi se moglo reći da se radi o junaštvu u kojem mladi pjesnik osim iskrena primjećivanja nudi nama, odraslima svoje anđeosko lice (ako ga još uopće možemo prepoznati?!).

Dakako, pjesnici i pjesnikinje osnovnoškolci i dalje su uglavnom, kao i proteklih godina, okupirani općim,

prepoznatljivim temama (*hiša, škola, cvetek, zima, prošćenje, urba, oblaki, dežd, roža, urabec, babica, dedek, otec i mati, domača reč, domači kruh, itd.*). Pritom su preokupacije temama o *babici (naša stara mama!)*, *babici i dedeku*, pogotovo tema *mama* izrazite: *Saku večer prije lefkog sna/ čita mi kojekakve pesme i bajke,/ na svetu nema lepšeg spanja/ od milog glasa moje majke* (Laura Baronić). Neke od njih, što je vrlo zanimljivo, okvir osnovne teme proširuju na cijelu zavičajnost: *Saki pot dok zaprem oči tu je;/ Naša stora mama/ I malo, lepo Međimurje* (Maria Žokalj). Ali se stvaralački, čak i najmlađi, sve više okreću temama, začudo - oni to već u toj dobi osjećaju!, osjećaju unutarnjeg zadovoljstva i mira prema vanjskom svijetu (*sreća, ljubav, igra, itd.*); igra: *Conjgam se, conjgam...* (Mirela Šargač), ljubav: *Dek sem ga prvi pot videla/ mam sem se zalubila/.../ Kupil mi je kiklju, mefku kak svila/ i štumfe od vune kaj se nem naladila* (Nikolina Lendl), ili se porađa onaj osjećaj vlastite intime koja je toliko snažna ili se toliko osnažuje da nadvladava svaku mogućnost zla: *sreća (Same bum ja znala/ se one popievke svoje srečne/.../ Same sem ja čula/ kak se nešči plače v mraku/.../ Al ne bum nigdar sama. / I gda si prejedu/ imam svoje Zagurje./ Imam svoje popievke i protuletne cvietje./ Imam svooj svet. / Zelenezlatni./ Najlepši.* (Mateja Lisak).

Premda vokalne značajke u mnogim pjesmicama i nisu fonetsko-fonološki vjerno prenesene na papir, što i nije očekivati, a u mnogih izričajem sve više idu prema onom kajkavskom koji zovemo *koine*, onaj osnovni duh kajkavštine doživljajno ostaje. Zato je i za ovu, 34. Smotru dječjega kajkavskoga pjesništva primijetiti i s radošću ustanoviti - uz već godinama provjerene i ovjerene osnovne škole kajkavskoga govornog područja – pojavljivanje podosta novih osnovnih škola i sve to novih učenika sudionika, reklo bi se: podosta novih osnovnoškolskih prinova. Također ustanoviti je i pohvaliti stalnu i izrazitu bržnost i skrb nastavnika i učitelja na kreativnom promoviranju kajkavštine u naših najmlađih kao osebujnom zalogu za očuvanjem ovog dijela naše kulturne baštine.

Ivo Kalinski



*Pun mi je kufer sega*



**Ema Arih**

5. razred, OŠ "Petar Zrinski", Čabar, PŠ Gerovo  
Voditeljica: Sanja Klarić, prof.

## **Kumaj čakan**

*K*umaj čakan lejtu!  
Čakan da pride,  
da ga viden,  
da ga čuten  
i slišen naguv guas.

Kumaj ga čakan,  
naguv lepe sunčan smejh  
i nebišku plave uoči.

Kumaj ga čakajo giravska pulja,  
jarke, vrhe i šume.

Čakajo ga ceuo lejto,  
čez vse mraze, snejge i dožje.

Kumaj ga čakajo deca  
velika i mojhna.

Lejtu, pride v maji Giravu!

**Maks Banay**

1. razred, OŠ Mahično

Voditeljica: Jasmina Štefan

## **Moja hiža**

*H*iža je moja tak malena,  
Okoli nje raste loza zelena.

Pred hižom moj deda sedi,  
Tko njega ne pozdravi,  
On se uvredi.  
V kunji pak baka ručak kuva,  
Okoli nje mota se velka muva.

**Laura Baronić**

6. razred, OŠ "Fran Koncelak", Drnje  
Voditeljica: Nevenka Petrić

## **Mama**

*G*da mi na vankuš opane glava  
i nad mene se prigne lice belo  
znam da bom zaspala istoga časa  
gda kušlecom postiha  
dodirne moje čelo.

Sako večer prije lefkog sna  
čita mi kojekakve pesme i bajke,  
na svetu nema lepšeg spanja  
od milog glasa moje majke.

**Vanja Bertović**

7. razred, OŠ Vugrovec - Kašina

Voditeljica: Dijana Dill

## **Šršljen**

*Z*uji, zuji šršljen žut.  
Kak da steran je u kut!  
Po cvjetju hodi celi dan  
I nektar mu je navek san.

Ošter, ošter šršljen žut,  
Gleč ga, gleč ga kak je ljut,  
i naj mu prosim stat na put!

Leti, leti šršljen žut,  
išče žrtvu svoju vsud...

**Elena Biškup**

8. razred, OŠ Sračinec

Voditejica: Mirela Briševac

## **Mestu v muojemu srcu**

*V* muojemu kraju  
ftiči jaku  
pupievaju.  
Pesmice najslajše slažeju.  
Što zna? Morti jim sami ajngeli  
z neba pumažeju.

Suosed suoseda duzivle.  
Furt su veseli.  
Za puspuminati se  
naviek si buju  
cajta zeli.

Gledim hiže.  
Uzajdi sake  
vrt stuji.  
Na dvurišču pes  
čez lesu gledi.

Vugurki z gredice  
zviraju.  
Kak da puskrivečki  
glediju dečicu  
štera se ukuoli hiže  
nagajača igraju.

Najempuot me zapuhne  
jaki veter.  
Mama me nutri zuve.  
Suončece mi za krovum namiguje  
i kak da mi veli:  
„Naj još iti!  
Ustani, z menum se  
svemu mestu  
veseliti.“

**Matea Brgles**

6. razred, OŠ Ksavera Šandora Đalskog, Donja Zelina  
Voditeljica: Irena Skopljak Barić, prof.

## **Dežd v Zeline**

*S*ivi oblaki  
mam su došli,  
nebo zasuli  
i sončeško skrili.

Još nisme Zelinu prešli  
a dežd je opal,  
si sme zmokli.

Neg kak!

Bez jambrele  
na mešu sme išli.

Same je turem od crkve  
srečen bil  
jer ga je dežd  
lepe vmil.

**Gloria Crnković**

4. razred, OŠ Brod Moravice

Voditeljica: Dijana Arbanas

## **Da son ja učiteljca**

*J*a be bela  
dobra učiteljca.  
Matematiko i hrvatske  
deco be vičila.

Pa onda iše mrva prirode  
znav be se od naše domovine.  
Fiskulturu i vježbe sakojake  
bele be vavik klope prazne.

Kad be bele venih  
igrali se z lopton  
divanili be o  
leti toplom.

Naša be škola bela šarasta  
va njo be deca šla mahana.  
Notri be bele mahane kamare  
da in znanje laš pride va glave.

Ta be škola bela ko iz bajki  
da se deca počutijo ko pr mati.

**Dora Culej**

1. razred, OŠ "Petar Zrinski", Šenkovec

Voditeljica: Jasminka Mesarić

## **Zima**

*V* zimi je se belo:  
steza je bela,  
šuma je bela,  
krov je beli,  
snjegovič je beli  
i ljubav je bela.

**Paula Đurkin**

3. razred, OŠ Domašinec, PŠ Dekanovec

Voditeljica: Tatjana Pintarić

## **Moj konjek**

*K*onj je moj Peter  
Fleten je kak veter.

Sunčeko je sjalo  
I konjeka potiralo.

Bežal je, bežal,  
Potem premišljaj.

„Fleten sam kak veter,  
A zovem se Peter.“

**Lucija Godek**

7. razred, OŠ "Fran Koncelak", Drnje  
Voditeljica: Nevenka Petrić

## **Dešč**

*D*ešč je kak  
ljudsko življenje:  
plače, pak prestane,  
zna biti žalosten  
da ne za reč.

Denes je tu  
a zutra ga ne več.  
Sproglá ga popíla sega  
i več nema ničega.

## **Danijel Golub**

7. razred, OŠ Ivana Rangera, Kamenica  
Voditeljica: Mirjana Posavec

### **Nostalglična**

*Došli* sme v bregе zelene.  
Ja i moj japa.

Zeleni drač je obrasel  
več zrušene plote.  
V sakem se kotu hižnem  
štakeri kote.

Plugi su zahrđali.

Japek se zmisлил na dneve  
da su mati skuhati žgance znali.  
Zamislil se...zamočal.

I dok si se ekrenol, s jokem  
trepnol je jempot. Kakti sozu sem videl.

*Nemreš stalne biti komen  
ak' je člaviek kerhka senja.  
Ljeta je nešče, kak tat, ščapil - šapnol je sebi japa.*

Veј sam v strahu.  
Kaj ga to vleče? Kak se to spomina?  
A ščera je bil ma pečina.

*Naj se dečec bojati - rekel je japa.  
Niesem nostalgičen, to propuh peteže.*

*Nostalgiju su ti zmislele babe  
da bi se imele o čem spominati.  
I da bi mogle možem cendrati.*



**Robert Gorupec**

5. razred, OŠ Oroslavje

Voditeljica: Vesnica Kantoci

## **Cveteček v babičinem vrtu**

*I*ma jeden liepi cveteček v babičinem vrtu,  
čak se dopada i onem staremu krtu.  
Kaj je običen, mrgud pravi,  
teri se furt skriva vu travi.

Nekteri veliju da je suncokretu sličen,  
a on je maslaček običen.  
Kak sunčece on z trave gleda  
tere me sake jutre zbudi.

Gda zazreli, on opravo bielu dobi  
i onda čiste liepe zgledi.  
Kak mladenka on je gizdavi,  
i se cveteke okoli sebe gnjavi.

Na kraju, gda puhne veter jaki,  
od njega z vrta pobegne saki.  
A od mojega se maslačka opravile razleti,  
v babičinem vrtu njega več ni...  
zdaj nas on z onega svieta gleda.

## **Leonarda Grabar**

5. razred, OŠ Franje Serta, Bednja, PŠ Josipa Jedvaja, Vrbno  
Voditeljica: Vesna Funda Štefanek

### **Sarce**

*Ljoudi maji koj sa tuo degojo?!*  
Naukvi vertouljeki f mana su zešlji.  
Pe ciela dnava sume si miesljim  
ed Ivica, Jureko, Štefeko i Miša.

Sarce mi furt jauke nebijo  
kok do oča z mana skečiti.  
Si mi gevariju do sum sa zeljubilo,  
a jo ne znum ni koj tou znoči.

Ma koj sa boum ja s tiem zemorolo,  
manje ja tok dobre i lijepe!  
Pe ciela dnava sume si miesljim  
ed Ivica, Jureko, Štefeko i Miša.

## **Agata Gredičak**

6. razred, OŠ Oroslavje

Voditeljica: Sanja Jelačić, prof.

### **Vučenje**

*G*da se trebam iti vučiti,  
najemput sam žejna pa si idem vode popiti.  
Pak se sprešetavam kak bedak po hiže  
i gledim čez okne kak se megla zdiže.  
Onda prejdem h kupaonu lasi si počesati,  
a da mi mama veli, čak bi i posudu  
išla oprati.  
Pa mi dojde da male idem vun cvetje zalezati.  
A da mi suseda pesa ima,  
sa srečna bi mu išla jesti dati.  
H dučan bi išla i po kmice  
i nej me bile strah coprnice.  
Al onda se zmislím da se rane  
h jutre moram zdiči:  
dobre, sad se stvarne moram vučiti!

## **Dominik Gregorina**

4. razred, OŠ Dragutina Tadijanovića, Zagreb  
Voditeljica: Tatjana Kukić

### **Oblaki**

*O*blaki su kak ljudi  
mali, veliki,  
tenki, pospani,  
dobri il' hudi.

Oblaki su kak hiže  
nove, visoke,  
doterene, ofarbane  
il' stare zaboravlene.

Oblaki su kak bregi  
visoki, daleki  
rašćupani, nakinčani  
bogati il' zapušćeni

Oblaki su ... oblaki  
fest čudnovati, smešni  
brzi, polefki  
beli il' črni.



**Inga Grgić**

3. razred, OŠ "Petar Zrinski", Šenkovec

Voditeljica: Radojka Oreški

## **Proščeje**

*Z*vono na cirkvi zvoni.  
Staro i mlado k meši se žuri.  
Deca mame k licitarima tiraju.  
Ringišpili se vrtiju.  
Drvene igročke ružiju.  
Igra muzika.  
Na voglu pečeni klobosi  
i koloči dišiju.

Najempot je dešč počel cureti.  
Si su se dimo razbežali,  
a jani v krčmu zagnali.  
Štandi su se zaprli.

Sam je jano srce  
ostalo na blatnom poto  
i črlene soze puščalo.

**Matea Havaić**

7. razred, OŠ Ludbreg

Voditeljica: Ljudmila Kladić, prof.

## **Pun kufer mi je sega**

*D*edek je došel z Švabije  
i vikal da mu je pun kufer sega!  
Mi deca tak smo se veselili.  
Samo mi neje bilo jasno  
zakaj je japi bil pun kufer kuruze,  
mami pun kufer kuhinje,  
sestri pun kufer izlaski.  
Čak je i zubar mrmrljal da mu je,  
više, pun kufer karijasa.  
Malo sam o tome razmišljala  
i zaključila da je i meni pun kufer sih,  
a najviše škole.  
Jedva čakam praznike!

**Tea Horvatić**

8. razred, II. OŠ Vrbovec

Voditeljica: Vesna Švarc, prof.

## **Domača reč vu mome sercu**

*D*omača reč vu mome sercu  
navek blešči:  
čera, denes, zutra, navek!  
Kak po dreti naslagana  
kak po gredencu razbacana.  
Blešči.  
Reči!  
Ima ih sakakvih,  
malih i vekših,  
tanjih i debših.

Z domačom reči sam se narodila,  
domača reč je v moje serce pogodila.  
Z domačom reči pripovedam,,  
domaču reč nikam iz serca ne dam.

I kam god ojdem  
i kam god dojdem  
domača reč bu navek tu  
- vu mom sercu!

**Klara Ivanek**

6. razred, OŠ Ljubeščica

Voditeljica: Sanja Horžić

## **Da sem mali mraf**

*D*a sem mali mraf,  
hmivala bi se f kaplici rose.  
Hojdila bi okuolo i gledela  
kak se sviet mienja.

Da sem mali mraf,  
sedela bi na ramenu  
žaluosnoga dečeca.  
Grela bi prosjaka  
kaj krueka projsi.

Da sem mali mraf,  
zišla bi f tvoje srce  
i vu njem zaspala.

**Damjan Ivanjko**

6. razred, OŠ Kneginec Gornji, Turčin

Voditeljica: Željka Gregur

## **Videl sem leptireka**

*V*idel sem leptireka  
kak bezbrižno po nebu pleše  
kak po grozdju soka srče.

Videl sem leptireka  
tak lepog, tak bajnog  
tak lefkog i srečnog.

Videl sem leptireka  
i štel sem ga pehnuti  
i štel sem ga zbliza dotiknati.

Videl sem leptireka  
i došel sem k njemu  
da vidim to sliku Božju.

Al' je odletel  
al' je odplesal od mene.  
Tak lepi i tak bajni  
otišel je  
na mesto za koje ja nisem čul.

**Patricia Jakovac**

3. razred, OŠ Rudolfa Strohala, Lokve

Voditeljica: Marijana Rakas

## **Koj je jobuka?**

*Se* koj je crveno,  
se koj je žutu,  
se koj je zeleno,  
se koj je slatku,  
se koj je kiselo,  
se koj je okroglo.

Radi je jidu deca,  
radi je jidu storje,  
radi je jidu črve,  
radi je jidu medvede  
i srne.

Va moje hiše, sake zno  
jobuko najraj jen ja!

**Katarina Jelinek**

8. razred, OŠ Molve

Voditeljica: Marija Halaček

## **Naj otiti**

*K*ak jogenj žarko greješ  
Oranja, šumo, Dravo, selo  
I – mene.

Zajdem v lad,  
Tam te nema.  
Hodim poticom,  
Nešče za roko me prima.

Počinje se kmičiti.  
Nesi valjda moralo otiti?  
Bežim, roke prožim...

Sončeko, srčeko, naj otiti!



*Same muoj sviet*



**Sara Juriša**

5. razred, OŠ "Vladimir Nazor", Sveti Ilija  
Voditeljica: Nikolina Cikač

## **Lastavice boju odletele**

*L*astavice se na žicam kupčaju  
vu daleke kraje se spravljaju.

Nekak čudno cvrkočeju,  
pod strehe tožno glediju,  
kak da im se nikam nejde,  
kak da bi najrejši  
tu ostale.

Ali vu tople kraje  
je njim ve za iti  
jer tu bo začas zima  
počela ščipati.

Njihova tela  
to ne bi mogla zdržati  
pak bi od zime  
mogle zanavek zaspati.  
Zato one moraju  
vu tople kraje odleteti,  
sveta videti,  
a na vuletje se  
nazaj k nami vrnati.

## **Lorena Kapitan**

2. razred, OŠ "Vladimir Nazor", Budinščina

Voditeljica: Jasmina Čukelj

### **Lete**

*Ja* jake volim lete  
i dobre lijetne fore.

Vuolim naše lijepe more.  
Plave, čiste i bistre.  
Galebe kad letiju,  
svoje bose noge dok po trave i pijesku bejžiju.

Vuolim i kad mi veter njiše lasi,  
i krema za sunčanje kuožu krasi.

Volim se i kupati,  
ali i dobre posunčati svoje tijele,  
da više nebu tak bijele.

Vuolim se v letu z lubenicu sladiti  
i sladoledom laditi,  
v kijklja špancijerati,  
po svojem selu paradijerati.

Deca jake vole lete,  
a oni veliki kojima se smeta,  
zbog sunca v hiže,  
brže bolje spuštaju rolete.

**Marija Magdalena Karlović**

7. razred, OŠ Ivana Gorana Kovačiča, Delnice

Voditeljica: Dragica Majnarić

## **Jest s'n s'mo dejlca**

*Nejsn* ni rascvaten cvejt,  
a več be tla  
premenet svejt.

Bogate be dejua  
na djeto i lansirala  
jeh na neko drugo  
planeto.

Narediua be mostove,  
spojiua paralele i  
polove.

Poletejua be visoko,  
visoko i vrneua  
suzo va sako  
dečje oko.

Sen, al' sen, pomuč  
be tla, ali jest  
nejsn dobra vila,  
jest s'n s'mo dejlca.

**Karla Knez**

4. razred, OŠ "Braća Radić", Koprivnica

Voditeljica: Vesnica Mlinarić

## **Protuletje**

Stoji jeden tulipan,  
pod drevom magnolije.  
Nišče ga ni primetil,  
a lepši je od čarolije.

Nikla je i prva visibaba,  
kaj nam veli: "Protuletje je tu!"  
Nema više zime, nema više snega,  
samo drobni vrabec koj na grani vreba!

Nikli su i pospanci,  
čak su zišli i sramežljivi narcisi.  
Samo da vide  
kak visibaba visi!

Jaglac žoti,  
žali se polek pota,  
kaj se baš pri njem  
pčela mota?

Samo te tulipan,  
mirno, svako protuletje, stoji.  
Ništ se ne buni, a prelepi ko sen,  
dojde svako protuletje da nam uljepša den!

## **Nikola Kolman**

8. razred, OŠ Gornji Mihaljevec, Macinec

Voditeljica: Lidija Novak Levatić, prof.

### **Vrba**

*P*red tridesetimi leti v dvorišču  
moji so drevje sadili,  
jeno malo kito žute vrbe  
v zemlo so fteknuli.  
Denes z te kite velko drvo je zraslo  
daleč vu selu o tem se spominajo.

Tenke žute kite joj doli vesijo  
kak vilinske lasi na glovi zgledijo.  
Mama jo večkrat na leto obreže  
kraj kitam tijam do 'graje seže.

Po dnevi ftičeki med kitama žvrgolijo  
po noči pak večkrat sove letijo  
da počnejo huškati tak močno zveni  
se živo v selo se en krat zbudi.

Grlica najlepšu popevku popevle  
v kitama žutim još za dneva zevle.  
Al nit jeno drevo tak lepo je ne  
kak naša vrba sred dvora za Kolmane.

## **Antonija Kovač**

6. razred, OŠ Domašinec, Dekanovec

Voditeljica: Nina Zrna - Pintarić

### **Naša šuma**

*V*u našoj šumi zeleni,  
Bežidu hitri jeleni.

Za jimi idu kre rute,  
Lepe, hrđave košute.

Tu puna šuma je zajci,  
Ke navek skočejo kaj vrapci.

Ftičeki tu letiju,  
A gizdave veverice po drevima hodiju.

Pred večer, prije nek sonce zojde,  
Jazavec si bolše mesto najde.

A po noči se se smiri,  
I veter se tu primiri.

**Martina Kovačić**

5. razred, OŠ Matije Gupca, Gornja Stubica  
Voditeljica: Vesna Jakopović, prof.

## **Dežđ vu mojemu selu**

*N*a zelenim bregima  
črni oblaki pokrili su  
plodne njive.

Začas već grmi  
i kapljeju kapljice  
dosadnuga dežđa.

Seljaki vesele pripoviedaju  
kak bu ve se vu vrtu  
hitre zrasle:  
I bažulj, i kampilier, i zelje...

A ja, kak i druga deca,  
v hiže zaprta sedim  
i čakam..  
I srdite premišljam  
kad bu stal tev dežđ  
da se morem iti van  
igrat...

Ali dežđ curi i curi...  
Več su puti puni blata...  
Curi, curi  
Neče stati ko za vraga!

**Gabrijel Kuček**

5. razred, OŠ Legrad

Voditeljica: Jelena Okić - Premec

## **Selska jesen**

*K*onji vleču kola  
Blato je na vulici

Moček skoče cele dneve  
Živce nam ždere

Po polu bežiju divle svinje  
Kuruzu nam jeju

Mraz je na travici  
Hladno je naši zemlici  
Zemlica se pomali črni  
Dešč je dušu dnesel ji

Bereju se fletno orehi  
Piceki se skrivlu na strehi  
Od oreha orehnjača bu  
Od piceka pečenka bu

Listje z dreva leti, curi  
Nešče na posel leti, juri

Se se črleni i žoti  
Al više se nemre plavati

**Marta Kučko**

4. razred, OŠ Donja Stubica

Voditeljica: Danica Pelko, prof.

## **Pilipar**

*P*ilipar leti,  
po cvetju gleda.

Cieli svet prejde,  
naklu nejde.

Sikam rad ide,  
ze svoje visine ne zide.

V rožu legne,  
pak se stegne.

Leži, leži  
i zaspi.



## **Marta Kunjko**

3. razred, OŠ Ivana Grande, PŠ Moravče

Voditeljica: Vesna Martinuš

### **Imbrela**

*Jedna se imbrela  
špansirati  
štela.  
Z hiže je svoje,  
brže,  
zletela.*

V grmlje  
se zaplela.  
Babica moja  
nogu joj podela.

Jedna se imbrela  
špansirati  
štela.  
Z kikljom je  
svojom  
cestu pomela

Juhu, jezikovu  
mam je pojela.  
Babica moja  
v red ju je dela.

Jedna se imbrela  
špansirati  
štela.  
A vezda, v koštuli,  
je rožica  
ocvela.

**Nikolina Lendl**

5. razred, OŠ Bisag

Voditeljica: Sanja Mamić

## **Lubav**

*D*ek sem ga prvi pot videla  
mam sem se zalubila.

Imel je oči zelene,  
a čube črlene, črlene...

Imel je lasi boje zlata,  
a penez ko blata.

Srčeka mehkega kak žemlica,  
dragi i slatki kak deklica.

Kupil mi je kijklju, mefku kak svila  
i štumfe od vune kaj se nem naladila.

## **Emili Lipovac**

4. razred, OŠ "Petar Zrinski", Čabar, PŠ Tršće

Voditeljica: Tatjana Turk, dipl. uč. raz. nast.

### **Moj ježek**

*B*uo je tu anu obično popudan,  
vena son se igraua ko vsake dan.  
Moj tata je zs auton čez must prajšu,  
je zaviknu: „Lej kaj son te najšu!“  
Zs auta je neko škatuo zvejkju, je riku:  
„Prnisu son te ježka, pej mu po mlejkju.“  
Ježek je mlejkju hitru peu,  
a ke me je vidu za škatlo se je skreu.  
Jemejle smo ga dama par dniva  
zak smo vejdle da ježek lejpje v prirode sniva.  
Uodešu je uodnas v svoj rodni kraj,  
jes son vesiu, zak vejn,  
da je za ježka šuma prave raj.

## **Mateja Lisak**

8. razred, OŠ Marija Bistrica

Voditeljica: Melita Petriš Banovec

### **Teške**

*J*ake mi je teške  
gda čujem kletve.  
Jake mi je moučne  
gda ostanem sama.

Mrti bu nešči videl kak se plačem.  
Mrti bu nešči zdigel oči.  
I videl me.

Jake mi je teške  
Koj nikoga nije briga.  
Najtežejše je koj sem sama.

Teške mi je  
gda zabim na vse važne.  
Na one tere imam rada.  
Na moje.

## **Mateja Lisak**

8. razred, OŠ Marija Bistrica

Voditeljica: Melita Petriš Banovec

### **Same muoj sviet**

*S*ame bum ja naviek znala  
se one popievke svoje srečne.  
Same bum ja znala  
se one cvietje koj sme negda brali.

Same sem ja vidla  
kak moju čriešnjju gromi rušiju.  
Same sem ja čula  
kak se nešči plače v mraku.

Al ne bum nigdar sama.  
I gda si prejdeju,  
imam svoje Zagurje.  
Imam svoje popievke i protuletne cvietje.  
Imam svuoj sviet.  
Zelenezlatni.  
Najlepši.

**Patricia Lukić**

6. razred, OŠ Ivana Perkovca, Šenkovec

Voditeljica: Jasna Horvat

## Čirišja

Čez obločak sam poluknila h trnac!  
Čirišja je precvala  
i bila je tak bila kak da je opau snik!  
H toj bilini kak cukar slatki sok teče,  
tičica h pisku koščice išče,  
dite se po kitju vliče  
i čirišjice črlene komaj z rukicami dosiže!  
H toj bilini kolačec moje stare mame diši  
i smih dece se bol i bol zvoni!  
H toj bilini moj dan se budi –  
kak lipo je na svitu  
un mi povi!

**Petra Medimurec**

7. razred, OŠ Ludbreg

Voditeljica: Ljudmila Kladić, prof.

## **Babičin ormar**

Vjednem kotu zadnje hiže  
stol je babičin ormar.  
S ključem zaprti je bil,  
a ključ,svezani z ropčekom,  
blaženo je dremal  
v žepu babičinog fertuna.  
Kak da blago skrivle v ormaru,  
gondali so dok so ga šteli otprti.  
Deca so babicu za mašline fertuna navlačili  
kaj bi im kojega cukora z ormara zvadila.  
Na levi strani ormara znutra je pisalo:  
„Lisa se v rujnu stelila,a Šeka v listopadu.  
Pajcika v zadnjemu kocu dvajsti i devetoga  
ožujka mora se sprasiti.“  
Na drugi strani vrati pisalo je: “Mara se rodila  
osmoga kolovoza, a Kata petog svibnja.  
Joška i Jalža ženili su se v prosincu.“  
Ti isti ormar i denes stoji v zadnji hiži  
pokojne babice.  
Jempot sam ga širom otprla  
i pol dana sem čitala i prekapala police.  
Bože dragi,čega je se tu bilo!  
Visele su kikle sikakvih farbi  
v krug namotane i špagom svezane,  
prelevanci ropci siju forbi.

Troje čizme z trdim sarami, ropčeki,  
molitvena knjižica, taškica, štrikanci  
ropci, bluže na rožice, hajt plečki  
i tri lepe krunice.

Na dnu ormara sem dopisala:  
„Babica je fmrla na som Božič 2013.“

Fala ti babica na ovomu blagu  
kaj si nam ostavila!

Zaključala sem ormara,  
još je ropček svezani na ključu,  
i z puno poštovanja sem ga obesila  
na zid kak svetinju.

**Vanesa Mlinarić**

5. razred, OŠ "Petar Zrinski", Jalžabet

Voditeljica: Kristina Jug, prof.

## **Moj dvor**

*N*iti jedna roža ni rumena  
kak je ova v mojem dvoru.

Niti jedna vočka ni tak zrela,  
kak je zrela v mojem dvoru.

Nigdi sonce tak ne greje,  
kak greje v mojem dvoru.

Niti jedna živina tak ne raste,  
kak raste v mojem dvoru.

Niti jeden čovek ni tak srečen,  
kak su ovi v mojem dvoru.

Niti jedna ljubav tak se fletne ne rodi,  
kak se rodi ova v mojem dvoru.

**Kaja Novak**

6. razred, OŠ Sveti Martin na Muri

Voditeljica: Sanja Novinščak

## **Zemla**

*S*korje v blato, pijača v kleti,  
Mela v mlino maura se mleti

Mešter sedi pesmo popeva  
Na njegovej zemli jabuka dozreva

Dojde čovek pita meštra  
Da bo Mirkec tvoja fešta

Ne znam fčasi naude  
Valda v majo fešta baude

Baude i pijače, pesme i plesa  
Baude i mešter kaj kamen klesa.

**Tina Odobašić**

4. razred, OŠ "Đuro Ester", Koprivnica

Voditeljica: Nikolina Sabolić

## **Hižica**

*Hižica* još tam stoji  
vu vulički iza cirkve,  
čez obločec na pot gledi,  
v dvorišču se oreh zible.

Za hižicom tepka hruška  
do zdenca se prigible,  
okoli zdenca listje šuška,  
vedrica na lancu škripole.

V hižici je vezda kmica,  
tam več nikoga ne bo.  
Morti na najži vesela ftica  
zaigra v našo gitaro.

Kak sem bila mlada  
gda sem prvič došla sim!  
Donesla sem novoga ormara  
i materino škrinjo z njim.

Postelja na rože, stolnjaki beli,  
slike i knjige na polici,  
porculanske šalice, zdele, tanjeri,  
vse bo ostalo v hižici.

I visoki moški biciklin  
naslonjeni v drvarnici.  
Zmisliš se, Martin,  
kak si me vučil voziti?

Vse kaj smo skupa imeli  
kak spomenik bo tu ostalo.  
Velijo da tam v staračkem domu  
nikaj mi tega ne bo trebalo.

Idem z Bogom,  
makar srce nazaj sili,  
v roki samo torba spomin  
i zadnjič za menom lesa zacvili.



**David Paska**

6. razred, OŠ Ivana Rangera, Kamenica

Voditeljica: Mirjana Posavec

## **Kom to idu farbe**

*N*ove rađa se jutre  
v sjaju duginih farb.  
Vesele pepieva kos.

Jutre je v soncu nestale.  
Okupale polne je farbe.  
Redila se pesma.

I dok trepneš z jokem  
polne se se zgubile v kmice.  
Noč se primeknula  
Pestiha.

Se ovila  
z črnomo je farbom.

Unda znaš...  
Farbe sklopčune f pesmi žive.  
Čakaju novi dien.  
Smeju se i dure.  
I some muče.

**Luka Pavlic**

4. razred, OŠ Hodošan, Donji Kraljevec

Voditeljica: Anastazija Anka Balent

## **Pospanec**

*J*ano jutro sam se  
v školo kesno zbudil.  
Nikaj sam ne mogel  
vu tom jado najti,  
niti torbo, niti šlapo  
niti štonfe, niti kapo.

Za sakim voglom  
kak da me nevolja  
te den v truc čakala  
dok mi je mati fljetno  
mleko z štubljeka natakala.

Potem sam več zvun pameti  
na beciklin skočil,  
vu te silni brigi  
i lanec mi je počil.

Jako sam se resrdil  
i htily ga v grabo.  
Unda se išče  
i japa podel na prago.  
Prijal se za glavo:  
Ma nek ide se k vrago!

**Karlo Peh**

5. razred, OŠ Veliko Trgovišće

Voditeljica: Ines Čeko

**Moj dedek i ja  
ili kak mi je liepe z dedekom**

*M*oj dedek i ja sme si dosti dobri -  
tu i tam se posvadime.  
Skup delame po njivam, kosime i oreme.  
Onda dojdeme dime male počinuti...  
Dedek dojde h sencu i sede se na štokrlin,  
čaka da mu gemišta napravim -  
pa si popije i ideme nazaj...  
delame do večeri dok ne dojde kmica -  
same delame... -  
...kak nam je liepe skupaj...  
...kak mi je liepe z dedekom...



*Vrabec*



## **Valentina Peštaj**

6. razred, OŠ Donja Stubica

Voditeljica: Danica Pelko, prof.

### **Viklin**

*V*raži biciklin,  
vraži triciklin,  
imam ja viklin,  
za svoj triciklin.

Prikapčim ja viklin,  
na svoj triciklin,  
gda viklin pustim,  
ja se spustim.  
Gda ga držim  
opadnem ke klin.

## **Erik Pintarić**

6. razred, OŠ "Vladimir Nazor", Sveti Ilija  
Voditeljica: Maja Priher

### **Imena**

*K*ratka i doga,  
nova i stara,  
strajnska i ona domača  
koja nigdar ne zastaraju.

Navek bu nekih  
z kojih se si norca delaju  
i nekih o kojima  
pesme popevleju.

Neka su večna  
i skoro sakom po meri,  
neka su mefka,  
a z nekim kak da si bi jezika zaplesti šteli.

Dobro je ime imeti  
da te sako more dozvati  
još bi bole bilo  
da si ga moremo sami zabrati.

## David Podhraški

6. razred, OŠ Sv. Križ Začretje

Voditeljica: Monika Šalec, mag. edu.

### Zima

Zimski krajoljik  
tak liepi. Čistem smireni.  
Gledim biela dvorišča.  
Sniek zaziva.  
Vse je biele.  
Zračiju led i mrzljina-  
nas ljubaf grieje.

I Božič je skore tuj.  
Šare kuglje na boru,  
pura takaj h rolu.  
Zname, dobri sme bili.  
Pustilji sme kekse i kolače  
kad Deda Mraz dojde  
da si ih h mlieke smače.

Čakame-  
skore je fešta za Nove ljetе  
i tu svetu noč  
spali nazaj neme!

**Katja Premuš**

3. razred, OŠ "Petar Zrinski", Šenkovec, PŠ Mačkovec  
Voditeljica: Senka Saško

## **Moja mačka Karolina**

*M*oja Karolina  
nori po hiži.  
Sigurno je nekaj  
strašno muči.  
Skoče Karolina hop, hop, hop  
tresne glavom hlop, hlop, hlop.  
Karolina, bodi dobra  
ka ti nebo glova modra.  
Karolina išče svoj kolačič  
i zavija kak mačič.  
Evo tebi tvoj kolačič  
jer si ti ne mali mačič.

**Jelena Ramić**

3. razred, OŠ Domašinec, PŠ Dekanovec

Voditeljica: Tatjana Pintarić

## **Mura, Mura**

*M*ura, ti si voda globoka,  
Mura, ti moreš ftopiti čoveka.  
Ti tečeš čez mnoga mesta  
De se čovek kopati ne sme.

Zakaj ideš tak fletno?  
Po tebi plavaju dreva,  
Ti nosiš se pred sobom.  
Mura, Mura, zakaj si tak globoka?

## **Dajana Ranilović**

6. razred, OŠ "Prof. Blaž Mađer", Novigrad Podravski  
Voditeljica: Petra Rožmarić, prof.

### **Moj kraj**

*M*oj kraj prepun je nizina,  
ma nema v njemu ni trunke planina.  
Naziva se Podravina.

Vu njem žive ljudi  
hrabri i marljivi,  
a ne kak vele škrti i grabežljivi.

Pri Podravcu nema cile mile,  
dok se nekaj mora,  
rabe se se sile.

Za taj naši lepi, mali kraj se moljimo,  
v njega se vuzdamo,  
v srcu ga nosimo.  
Naš kraj,  
naš prelepi kaj.

**Ida Rupčić**

2. razred, OŠ "Braća Radić", Koprivnica

Voditeljica: Marija Petras

## **Moja domovina**

*Moja domovina moja je mati.  
V njoj imamo crkve, more i se lepote.  
Ništ nam ne fali dok zlatno sonce greje,  
puše veter, diši cvetje,  
a ftice veselo lete.  
Plavo more ziblje brode,  
zlatna polja hrane ljude,  
a za vuglom črešnja veseli decu.  
V letu je se živo, a v zimi saki spi.  
Z dena v den moja domovina  
mi je se lepša i drajša.*



**Natalija Sedlar**

3. razred, OŠ Dragutina Domjanića, Sv. Ivan Zelina  
Voditeljica: Sandra Grošinić

## **Črlena roža**

*V*u vrtu stoji črlena roža  
laticu mi svoju pruža.  
Oko rože je trava  
koju pase Šarava.

Samo se bojim  
da ju Šarava ne v zube dela,  
i z travom pojela.

Šarava je moju rožu zela,  
al ju ni pojela.  
Hitila ju je v jarek,  
a našel ju je maček Marek.

Več mi je pune let,  
a roža i denes resi moju klet.

**Katja Sedmak**

3. razred, OŠ dr. Vinka Žganca, Vratišinec  
Voditeljica: Daliborka Tuksar

## **Božekova ofčica**

*B*ožekova ofčica mene je spazila  
i mam mi po rauki plazila.

Vidim, čuda pikji po sebi ima  
i se ih jednoko štima.

Najenput mi je z rauke poala  
i fejst se v jorko skaupala.

Neje mogla zdiči žmehka krijla  
i sam se f trovici skrijla.

**Mirela Šargač**

2. razred, OŠ Novi Marof

Voditeljica: Ljubica Bešenić

## **Sreča**

Conjgam se, conjgam.  
Veter mi lasi plete.  
Z črešnje cveteki po meni curiju.  
Dedek na štokrlinu sedi i na me pazi.  
Conjgam se, conjgam.  
Metefuljček mi na haljinu doletava.  
Moj pesek se z kučice nalukava.  
Črni kos me z trave pogledava.  
Conjgam se, conjgam.

**Mia Šokman**

6. razred, OŠ Sračinec

Voditeljica: Mirela Briševac

## **Strašilu**

Zbudim se.

Čez ublok gledim vun v dvurišče.

Upazim ga.

Neka pre srcu me stišče.

V megli stuji staru strašilu

šteru je se ftiče s pola rastiralu

ka bi šalate i repe ustalu.

Zgledi mi kak durilu.

Vrane ukuoli jega tancaju,

z črnimi krilimi mu škuorje glancaju.

Puželim si da z vetrum dauku udleti,

a mene naj saku jutru pesma ftič budi.

Seji bi mi bili slajši

i f škuolu bi išla rajši.

Ubrnem se pu sobi.

Mama uzajdi stuji.

Najempuot, se so me brige ustavile

i f jezine mefke ruoke se spravile.

Nie je tega vrijeden – veli.

Prešli su dnevi, strašilu nuovu robaču ima.

F škuolu vesela bežim.

Gledim mamu kak gredice kopa.

Ftič pupievle, i ja ž jim.

## **Dea Turk**

7. razred, OŠ "Petar Zrinski", Čabar  
Voditeljica: Marina Hrga - Arh, prof.

### **Tiček**

*S*pumad je.  
Zes majhnega gnejzda,  
na vrhe hiše, anga dniva  
se tiček sliši.  
Majhen tiček mamó čaka  
da mu prnjese crvička na brzaka.  
Ku ju zaglida, zapapejva,  
hitru pajej i spit čaka.  
Pridna mama sake dan ga futra  
i tječe uona zez ranga jutra.  
Ko zraste vičje od gnejzda,  
rastigne kreluta,  
razglida mau svejta,  
a jest ga bum vidua drugega lejta.

**Melita Turščak**

6. razred, OŠ Petrijanec

Voditeljica: Martina Škrinjar

## **Domači kruh**

Cijala hiža diši  
pu dumačemu kruhu.  
Babica ga večerku spekla  
v vrijalumu rualu.

Vuni dešč curi,  
naš dedik se dimu žuri.  
Odma se pri peči suši,  
a kruh mu se pumalem hladi.


**Anja Verveger**

6. razred, OŠ Ivana Perkovca, Šenkovec

Voditeljica: Jasna Horvat

## **H popifki tičic**

*H* pisanoj kiklici,  
s korbicum punum darof,  
nakinčano i dišeče  
došlo nam je protulitje!  
H trnacu se na čirišju selo  
korbicu otkrilo i dareke dililo:  
pupeke, čelice i šare matuleke!  
Zat briga godina dobeži  
i mam se hmije!  
H popifki tičic  
protulitje se smije!



**Martina Vidoš**

5. razred, OŠ "Stjepan Radić", Božjakovina  
Voditeljica: Biserka Fruk

## **Kečka**

*J*ena lepa kečka,  
Znatiželna i smeđa,  
Hodila je se po svud.  
Jene jutre kečka se bojala,  
Pak je dekla rasplela lasi.  
Došiel je den kad se kečka  
Setila da joj je dosadne.  
Lepe je dekla otišla k mati svojoj  
Da joj napravi dve kečke.  
Posle su se pak dve kečke družile i ne im bile dosadne.  
Furt su vesele skakale i igrale se.  
Pak su se pri jutri rasplele  
I nesu se više vidle.  
Ova moja kečka je iste lepa i vrcakasta i ponosna na  
mašleka.

**Martin Vine**

8. razred, OŠ Brezovica

Voditeljica: Mirjana Rajter

## **Tak lepi je doan**

*Na* oknu teglin  
z cvetjem stoji,  
čelica vredna  
leti, zuji.

Tak lepi je doan,  
trava zelena  
nepokošena stoji,  
veter ju niše,  
ona diši.

Na klupi vu ladu  
užitek je leči,  
senjati o tamburi, sreči...

Tak lepi je doan.  
Sunce čez okno  
zove me voan.

**Nika Vrbanić**

3. razred, OŠ Veliki Bukovec

Voditeljica: Gordana Konaček

## **Lostavica**

Okoli štale nekaj leti,  
Išče obloka pa se zaleti.

Po štali leče, gnezdo išče,  
Gori pogleda i joko pišče.

Našla je gnezdo, veselo zletela,  
Nutri je svojega drogoga mela.

Drogi je vreden, gnezdo več dela,  
Lostavica njegova male bo mela.

Na jejci su dogo skup sedeli,  
Pono gnezdo tičeki su meli.

## **Meri Zbašnik**

6. razred, OŠ "Petar Zrinski", Čabar, PŠ Tršće  
Voditeljica: Ingrid Žorž, prof.

### **Ke sen bua majhna**

*M*ajhna ke sen bua jest,  
metulčka sen tua vjest  
da se zes nin jegran mau,  
al na pamet me teskret nej pau  
da je njemo lejpje vena bet  
ko v maje staklenke sok pet.

Ko testa metulček  
bua sen i jeset sama,  
nigder nejsen tua bet dama.  
Pa cele dane sen se jegraua  
i do nači vena ostaua.  
Zes pajdašicamen  
sen se rada smeja  
i mame rušce braua.

Majhna ke sen bua jest,  
mjene je veseliu  
kaj god se je  
testa dan prpetiu.

Se te drage dnive  
v mjene budu ostali za dele.  
Pamtua bun ih život cele.

## **Lovro Zenko**

6. razred, OŠ Ivana Grande, Soblinec, PŠ Adamovec  
Voditeljica: Vesna Martinuš

### **Vrabec**

*V*živice. Popeva.  
Srce kuca. Za te.  
Če zorja kesni,  
kupček perja  
zbudi te.  
V senokoši.  
Kraj srebrnog poteka.  
Duge bu te dragal.  
V tuđini.  
Maluga vrapca, v srcu,  
nojsil buš.

**Lovro Zenko**

6. razred, OŠ Ivana Grande, Soblinec, PŠ Adamovec  
Voditeljica: Vesna Martinuš

## **Adamovečki tiči**

*V* jutre rane, kriče.  
Dok potek još spi.  
Dok babica još sni.  
V jutre rane,  
gledim adamovečke tiče.

V zorju, oni šenicu važeju.  
v štaglju pustom,  
v trsju gustom.  
V zorju, oni pesmom,  
Adamovec dragaju.

V kmice, oni blažene spiju.  
Kak bregi negdašnji,  
kak križ svagdašnji.  
V kmice, oni čakaju  
da se zbudiju.

**Josip Zrinski**

5. razred, OŠ Stubičke Toplice

Voditeljica: Danijela Sinković

## **Babičina spoved**

*D*enešnja mladež v televizor gleda  
več niti neznaju kak čovek zgledi.  
Ne interesira ih kak sme se mi igrali  
oni bi same cijele diene spali.

Još su i kompjutere zmislili,  
a ne bi kak mi kuruzu lupili.  
Z motikami sme tieške delali  
da bi se oni denes tome smejali.

Sve ih nekak vuha boliju  
valjda zate kaj stalno na njih mobitele držiju.

Tak vam je to kad tehnika i mladi vode  
vile i motike više nisu v mode.



**Maria Žokalj**

6. razred, OŠ Donji Kraljevec

Voditeljica: Dubravka Horvat

## **Naša stora mama**

*S*tora mama v hižici je mali živela  
I navek ji je kuhinja po koločima dišala,  
A vu vrčoku katruže, ljubičice...  
Neje bilo cveta kojega ona neje mela,  
I v osemdesetem ljetu je delati štela -  
Naša stora mama.

Den da je dešč ne prestal cureti,  
Storu mamu je črna zemlja zela,  
Sima nam je soza stati ne štela.  
I mene so v svet otprajli,  
Rekli su da Međimurje več nam vidla.  
Ali ja ga vidim stalno,  
Saki pot dok zaprem oči tu je;  
Naša stora mama  
I malo, lepo, zeleno Međimurje.





## Kazalo autora likovnih priloga u zbirci\*

- Str. Autor/autorica ilustracije, razred  
osnovna škola
3. Leona Zagorec, 8. razred  
OŠ Ksavera Šandora Đalskog, Donja Zelina
8. Jurica Vnućec, 3. razred  
OŠ „Vladimir Nazor“, Budinščina (*detalj*)
11. Gabrijela Mrzljak, 6. razred  
OŠ Mahično (*detalj*)
25. Tea Rojko, 3. razred  
OŠ „Petar Zrinski“, Šenkovec
29. Barbara Bagović, 8. razred  
OŠ Dragutina Tadijanovića, Zagreb (*detalj*)
37. Marko Bekić, 8. razred  
OŠ „Stjepan Radić“, Božjakovina (*detalj*)
47. Eva Pelko, 7. razred  
OŠ Donja Stubica (*detalj*)
59. Vanda Žauhar – Henezi, 5. razred  
OŠ „Đuro Ester“, Koprivnica (*detalj*)
63. Tihana Posavec, 8. razred  
OŠ Ksavera Šandora Đalskog, Donja Zelina (*detalj*)
71. Paola Ferencić, 3. razred  
OŠ „Braća Radić“, Koprivnica (*detalj*)
78. Adriana Kralj, 8. razred  
OŠ Ivana Grande, Soblinec, PŠ Adamovec (*detalj*)
85. Karlo Preložnjak, 2. razred  
OŠ „Petar Zrinski“, Šenkovec
87. Likovna družina OŠ K.Š. Đalskog, Donja Zelina

\* Zbirka je ilustrirana cjelovitim radovima i fragmentima  
učeničkih radova škola sudionica natječaja Smotre

**Osnovne škole koje su sudjelovale na natječaju  
34. Smotre dječjega kajkavskog pjesništva  
"Dragutin Domjanić" - Sv. Ivan Zelina 2014.**

1. OŠ Bisag
2. OŠ "Braća Radić", Koprivnica
3. OŠ "Braća Radić", Koprivnica, PŠ Kunovec
4. OŠ Breznički Hum
5. OŠ Brezovica
6. OŠ Brod Moravice
7. OŠ Domašinec, Dekanovec
8. OŠ Domašinec, Dekanovec, PŠ Dekanovec
9. OŠ Donja Stubica
10. OŠ Donji Kraljevec
11. OŠ dr. Vinka Žganca, Vratišinec
12. OŠ Dragutina Domjanića, Sv. Ivan Zelina
13. OŠ Dragutina Tadijanovića, Zagreb
14. OŠ "Đuro Ester", Koprivnica
15. OŠ "Đuro Ester", Koprivnica, PŠ Vinica
16. OŠ "Fran Koncelak", Drnje
17. OŠ Franje Serta, Bednja, PŠ Josipa Jedvaja, Vrbno
18. OŠ Gola, PŠ Otočka
19. OŠ Gornji Mihaljevec, Macinec
20. OŠ Hodošan, Donji Kraljevec
21. OŠ Ivana Gorana Kovačića, Delnice
22. OŠ Ivana Grande, Soblinec, PŠ Adamovec

23. OŠ Ivana Grande, Soblinec, PŠ Moravče
24. OŠ Ivana Perkovca, Šenkovec
25. OŠ Ivana Rangera, Kamenica, Lepoglava
26. OŠ Kneginec Gornji, Turčin
27. OŠ Ksavera Šandora Đalskog, Donja Zelina
28. OŠ Legrad
29. OŠ Ludbreg
30. OŠ Ljubeščica
31. OŠ Mahično
32. OŠ Marija Bistrica
33. OŠ Matije Gupca, Gornja Stubica
34. OŠ Mihovil Pavlek Miškina, Đelekovec
35. OŠ Molve
36. OŠ Novi Marof
37. OŠ Novi Marof, PŠ Remetinec
38. OŠ Oroslavje
39. OŠ "Petar Zrinski", Čabar
40. OŠ "Petar Zrinski", Čabar, PŠ Gerovo
41. OŠ "Petar Zrinski", Čabar, PŠ Tršće
42. OŠ "Petar Zrinski", Jalžabet
43. OŠ "Petar Zrinski" Šenkovec, Čakovec
44. OŠ "Petar Zrinski" Šenkovec, Čakovec, PŠ Mačkovec
45. OŠ Petrijanec
46. OŠ "Prof. Blaž Mader", Novigrad Podravski
47. OŠ Rudolfa Strohala, Lokve

48. OŠ Sračinec
49. OŠ "Stjepan Radić", Božjakovina
50. OŠ Stubičke Toplice
51. OŠ Sveti Križ Začretje
52. OŠ Sveti Martin na Muri
53. OŠ Veliki Bukovec
54. OŠ Veliko Trgovišće
55. OŠ Vidovec
56. OŠ Visoko
57. OŠ "Vladimir Nazor", Budinščina
58. OŠ "Vladimir Nazor", Budinščina, PŠ Hrašćina
59. OŠ "Vladimir Nazor", Sv. Ilija
60. II. OŠ Vrbovec
61. OŠ Vugrovec-Kašina, Kašina
62. PŠ Ribnik, MŠ Žakanje, Ribnik

## Izložba likovnih radova 34. Smotre

- izložba je postavljena u predvorju dvorane "Kraluš"  
Pučkog otvorenog učilišta Sv. Ivan Zelina, 25.10.2014.



Barbara Bagović, 8.r.  
OŠ Dragutina Tadijanovića,  
Zagreb



Marko Bekić, 8.r.  
OŠ Stjepan Radić,  
Božjakovina




Leonarda Forko, 6.r.  
OŠ Ksavera Šandora Đalskog,  
Donja Zelina




Luka Grgić, 8.r.  
OŠ K.Š. Đalskog,  
Donja Zelina



Teo Hanžeković, 1.r.  
OŠ „Braća Radić“, Koprivnica



Hanan Hasanbegović, 8.r.  
OŠ D. Tadijanovića, Zagreb



Stela Horvat, 3.r.  
OŠ "Petar Zrinski",  
Šenkovec



Petra Kerman, 4.r.  
OŠ "Petar Zrinski", Šenkovec



Goran Mihalković, 4.r.  
OŠ "Petar Zrinski", Šenkovec



Nika Mouratidis, 3.r.  
OŠ "Braća Radić",  
Koprivnica




Nikola Novak, 4.r.  
OŠ „Petar Zrinski“, Šenkovec



Romana Oršoš, 8.r.  
OŠ „Fran Koncelak“, Drnje



Eva Pelko, 7.r.  
OŠ Donja Stubica



Lana-Barbara Petak, 4.r.  
OŠ dr. Vinka Žganca, Vratišinec



Stella Petek, 6.r.  
OŠ K.Š. Đalskog,  
Donja Zelina



Tihana Posavec, 8.r.  
OŠ K.Š. Đalskog,  
Donja Zelina




Magdalena Stijelja, 5.r.  
OŠ „Stjepan Radić“,  
Božjakovina



Maja Suvajac, 4.r.  
OŠ „Petar Zrinski“, Šenkovec



Sofija Škrabe, 8.r.  
OŠ K.Š.Đalskog, Donja Zelina



Erika Škurina, 8.r.  
OŠ Oroslavje



Lorena Tomrecaj, 1.r.  
OŠ „Petar Zrinski“, Šenkovec



Dea Turk, 8.r.,  
OŠ „Petar Zrinski“  
Čabar



Iskra Silvestri Valdevit, 8.r.  
OŠ D. Tadijanovića, Zagreb




Leona Zagorec, 8.r.  
OŠ K.Š. Đalskog,  
Donja Zelina



Vanja Žganec, 4.r.  
OŠ „Petar Zrinski“, Šenkovec







Cijena: 35,00 kn



9 789536 154061